



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.54. Britones Schismatici.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VII *xerit, nunquam se ad altio rem gradum
A. C. 606. ascensurum. Cura igitur, Rex! ut Fi-
des Catholica te Regnante incrementum co-
piat, & postquam Candidianus decesserit,
Paul. ibid. tio fiat.* Hæ preces effectu caruerunt,
nam Candidiano defuncto Episcopi Ro-
manis subjecti in Grada Epiphanium an-
tea Notariorum Primicerium ordinarunt,
atque exinde duo Patriarchæ Aquilejen-
ses extiterunt. Cum certum sit, Roma-
nos fuisse Catholicos, Joannes, qui de
illis, tanquam Hæreticis loquitur, ipsemet
fuisse Schismaticus & trium Capitalorum
Defensor creditur.

§. LIV.

Britones Schismatici.

Bedall. h. c. 2 **V**eteribus Magnæ Britannia Incolis in
Schismate perseverantibus, tum Fe-
stum Paschale die decimo quarto Luna,
& plures alias Consuetudines Ecclesie
Unitati contrarias observantibus, S. Au-
gustinus Cantuariensis omnem industriam
adhibebat, ut eos ad Ovile reduceret.
Ethelberti Regis Auctoritate suffultus E-
piscopos & Magistros Britonum Provin-
cia, quæ Regno ejus proxima erat, nempe
(†) Aliter Walliæ, (†) ad Collationem convo-
Cambria. cavit, quæ in Saxonum Britonumque
confinio & loco, quem exinde Angli Au-
gusti-

gustineizat, id est, *Augustini Robur*, Sæculum VI.
 appellarunt, habita est. Initium dicen- A. C. 606.
 di fecit, eos fraterne exhortando, ut ad
 Ecclesiæ Unitatem redirent, sicque omnes
 unitis viribus ad prædicandam Infideli-
 bus Fidem se accingerent, at, postquam
 diu multumque disputatum, videns quod
 nec precibus, nec hortatibus, nec objur-
 gationibus cederent, sed consuetudinem
 suam Ecclesiæ Universalis Traditioni præ-
 ponerent, tandem dixit: *Oremus Deum, Psal. 67. 7.*
qui inhabitare facit unius moris in domo,
ut nos editis signis cælestibus edoceat, quam
Traditionem sequi oporteat. Adducatur
ægrotus, & illius, cujus precibus sana-
tus fuerit, Fides tenenda credatur ab omni-
bus. Cum Britones, quamvis ægre, con-
 sentirent, adducitur in medium quidam
 Anglus cæcus, & prius Episcopis ipso-
 rum sanandus præsentatur, tum, quia
 illi miserum juvare non poterant, Augu-
 stinus in genua se demittens oravit Deum,
 ut huic homini lumen reddendo multo-
 rum Fidelium corda illustraret. Illico vi-
 dit, qui cæcus fuerat, profitentibus o-
 mnibus, Augustinum Veritatem doce-
 re. Idipsum Britones confitebantur; sed
 tamen dicebant, se antiquas suas Con-
 suetudines dimittere sine Fratrum suo-
 rum consensu non posse, petebantque,
 ut alterum Concilium & amplius convo-
 caretur.

Q95

Cum

Sæculum VI.
A. C. 606.

Cum istud omnibus probaretur, præstituto tempore adfuere septem Britonum Episcopi multique viri Doctrinæ fama celebres ex Monasterio, *Bancor* dicto, cui tunc temporis Abbas Dinothus præerat. In eo Monasterio tantus fuit Monachorum numerus, ut necesse fuerit, illud dividere in septem Regiones; erantque in singulis saltem trecenti Monachi, omnesque de manuum suarum labore vivebant. Monasterium istud in Provincia Walliæ situm cum alio Monasterio ejusdem nominis *Bancor* in Hibernia & Provincia Ultoniensi posito confundi non debet.

V. Men. conc. reg. p. 337. Mab. tom. I. Act. p. 522.

Priusquam ad Concilium venirent, consuluerunt Anachoretam, de quo inter ipsos maxima erat Doctrinæ & Sanctitatis opinio. Ex eo itaque quærentibus, an Augustino morem gerere deberent, & Traditiones suas dimittere, respondit: *Si vir iste ex Deo est, sequimini eum.* Dixerunt: *Ex quo autem signo cognoscemus eum?* respondit Anachoreta: *dixit Dominus: tollite jugum meum super vos, & discite a me, quia mitis sum & humilis corde. Si Augustinus iste talis est, ipsum Jesu Christi jugum portare, & cupere credatis, ut & vos eidem jugo colla submittatis, si superbus est, liquet, eum a Deo non venire, nec, quid dicat, vobis cura sit.* Dixerunt: *Quomodo vero bu-*

militatis ejus experimentum capiemus? Sæculum VI.
A. C. 606.

Respondit: *Hac utimini industria: expectate, dum ipse prior cum suis locum Concilii ingressus fuerit; si vobis deinde intrantibus assurrexerit, pro certo tenete, esse Servum Jesu Christi, & obedite ei, si se non moverit, quamvis plures numero sitis, spernentem vos spernite.* Ipsi Concilium ingressi Augustinum sedentem conspexerunt; mox, iracundia ardentem, virum esse superbia inflatum secundum sermones sui Anachoretæ judicarunt, eique ex composito in omnibus obloqui cœperunt. Ipse ad eos: *Quamvis plurimos Ritus usui nostro, qui Ecclesiæ Universalis est, teneatis, tamen contentus ero, si in tribus Articulis, quod suadeo, faciatis. Si Pascha illo, quo decet, tempore celebretis, si Baptismum juxta Ritus Ecclesiæ Romanæ conferatis, & inita nobiscum Societate Verbum Dei Anglis prædicetis. Si hæc nobis detis, reliqua tolerabimus.* Responderunt Britones; conditiones sibi nequaquam placere, nec eum unquam Archiepiscopum suum recepturos, dicebantque alter ad alterum: *Cum hodie nobis venientibus assurgere noluerit, postquam ipsi subjecti fuerimus, ne quidem aspectu dignabitur.* S. Augustinus dixit: *Pacem inire cum Fratribus vestris respuitis, ideo bellum vobis erit cum inimicis, & Angli, nempe illi*

Sæculum VII *illi ipsi vobis inferent necem, quibus vitam*
A. C. 606. *vita & Salutis æternæ monstrare recu-*
sis. Impletum est hoc vaticinium S. Au-
 gustino jam diu defuncto, quippe Edil-
 fridus Anglorum Rex, cum valido exer-
 citu in Civitatem Britonum Carleolum
 expeditione suscepta, magnas strages edi-
 dit. Primi omnium Episcopi & Mona-
 chi jugulati, qui devictorum vitam ab
 hoste deprecari audebant. Armatorum
 vero mille ducenti interfecti sunt.

§. LV.

S. Augustini Cantuariensis Obitus.

Bed. ll. h. c. 3. Augustinus Archiepiscopus anno 604
 duos Episcopos Mellitum & Justum
 ordinaverat. Mellitum misit in Provin-
 ciam Saxonum Orientalium, quos Tha-
 misis a Cantis dividebat. Illius Provin-
 ciæ Caput erat Londinum, in quam Ci-
 vitatem jam illa ætate mercatores terra-
 marique frequentissimi confluebant. Cum
 Mellitus in illam Regionem Fidem redi-
 xisset, Ethelbertus Rex Londini Eccle-
 siam S. Pauli Cathedralem, quæ hodie
 que stat, ædificavit. Justus in Provin-
 cia Cantiorum Episcopus fuit, habuit
 que Sedem in Civitate Roffensi, ad Oc-
 cidentem, a Cantuaria viginti milliariis
 jussit Ecclesiam S. Andreæ, atque has Ec-
 clesias;